



Nunatsinni inuit innarluutillit ilinniartitaanikkut suliffeqarnikkullu atugaannik misissuinerup kingusinnerpaamik UPA 2020-mi saqqummiunneqarnissaanik Inatsisartut aalajangiiffisassaattut siunnersuut. Ilinniarfiusinnaasutut suliffiusinnaasutullu piukkunnaatillit qanoq tapersorsorneqartiginerannik aammalu inunnit pineqartunit inuiaqatigiinnillu pisariaqarneratut atorneqartiginerannik erseqqinnerusumik qulaajaanermik misissuineq imaqassaaq, soorluttaaq misissuineq inuit innarluutillit ilinniartitaanerannut suliffeqarneranullu tunngasumik siunissami ilisimasaqalernissamut qulakkeerinntumik aalajangiisoqarneranik malitseqartinneqassasoq. (Inatsisartunut ilaasortaq, Aqqa Samuelsen, Inuit Ataqatigiit)

Inatsisartunut ilaasortaq Aqqa Samuelsen Inuit ataqatigiit, inatsisartunut siunnersuuteqarpoq aalajangiiffisassamik tassalu Nunatsinni innarluutillit ilinniartitaanikkut suliffeqarnikkullu atugaannik misissuinissaq tamannalu oqaaseqarfigissavarput.

Nunatsinni sulisinnaasut aammalu ilinniartitaanikkut suliffeqarnikkullu periarfissat tamakkiisumik atorneqarnissaat inunniq tamaginnik peqqikkutta innarluuteqaruttalunniit inuit pisinnaatitaaffii eqqarsaatigalugit tamakkiisumik tamatsinnut atuutsinneqartussaapput.

Tassami inuit pisinnaatitaafit tamakkiisumik aamma innarutilinnut atuupput, tamannalu malunnarnerulerteriaqarpoq innarluuteqartunut inuttummi tamatta assigiippugut immikoortitsisoqartussaanngimmat.

Ilinniartitaanermi aammalu suliffeqarnermi innarluutilinnut tunngasut ajoraluwartumik nalunaarsukkat tamakkiisumik piginngilagut, tamannalu soorunami ajuusaarnarpoq.

Inuit pineqartut pillugit aaqqissuussiniarnerit tamakkiisumik naalakkersuinkut ilisimannginatsigit innarluutillit atugaasa pitsaanerulernissaat aaqqissuussiniarnerillu killeqartorujussuarmik ingerlassinnaagatsigit tamatta ajuusarnartutut tigusariaqarparput.

Uanilu siunnersuumi Aqqa Samuelsen Inuit ataqatigiit saqqummiussaa isumaqarluinnarpugut tamakkiisumik taperserlugu Naalakkersuisut misissuinissamik tapersiillutik saqqummiussisiaqarluartut.

Tassanilu siunnersuumi tunngavilersuut tassalu paassisutissat sapingnisamik annertunerpaat ilisimasat innarluutillit ilinniartitaanerannut aammalu suliffeqarnerannut tunngasut tamakkiisumik pigilernissaat pingaaruteqarmat tassami siunissami aamma ilisimasat suulluunniit nunatsinni pigineqalerpata tunngavissarissaarnerulluta aalajangersaasinnaanerit pitsaanerulissammata.

Naalakkersuisunut kaammattuitiginiarparput misissuinissaq una suliamut aallartinniarneqartumut aamma ilanngullugu suliakkiutigineqassasoq.

Uanilu aamma innarluutillit sungiusartillugit sulisitsisarnermi nalunaaqutap akunneranut akissarsiarisartagaat aamma naleqqusarlugu suliarineqarnissaa Naalakkersuisunut kaammattuitiginiarparput.

Taamatut oqaaseqarluta Aqqa Samuelsen Inuit ataqtigii siunnersuutta tamakkiisumik taperserlugu isumaginninnermi ataatsimiititaliami suliarineqarnissaa innersuussutigaarput.

Hans Enoksen